

03. september 2020

Inatsisartut Suleriusaanni § 37 immikkoortoq 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

1. Kalaallit Airport A/S-ip, Kalaallit Airport International A/S-ip imaluunniit pilersuisussaati-taasut ataanni sulisunut atugassaritinnegartut eqqarsaatigalugit oqaatsitigut imaluunniit katersuussinnaatitaanermut inerteqquteqartoqarnersoq?
2. Kalaallit Airport A/S-imi, Kalaallit Airport International A/S-imi imaluunniit pilersui-ssaataitaasuni oqaatsitta atornerqarnissaat inerteqqutaava?
3. Suliniummi kalaallit sulisartut immikkoortinneqarneragaanerit pillugu Kalaallit Airport A/S aamma/imaluunniit Kalaallit Airport International A/S qanoq isumaqarpa?
4. Kalaallit Airport A/S-imi aamma Kalaallit Airport International A/S-imi qullersat pissutsit uparuatornerqarsinnaasut pillugit aqqiiniarlutik qanoq iliuuseqalersaarpat?
5. Kalaallisut oqaaseqartut sulisartut katersuussinnaanerit, oqaatsitsinnik atuisinnaanerit imaluunniit allatigut inatsisitigut pisinnaatitaaffiini ajornerulersitsilluni unioqqutitsil-luniluunniit piumasagaatinik sinaakkusersuisoqarsimagaluarpat, taava Naalakkersuisut aqqiiniarlutik qanoq iliuuseqalersaarpat?

Tungavilersuutit:

Kalaallit Airport A/S-ip ataani mittarfiliormi sulisut atugaat pillugit.

Ilulissani Nuummilu mittarfiliormerit nunatsinni sanaartukkat maannamut annersaraat, taannalu Namminersorlutik Oqartussat danskit naalagaaffiat suleqatigalugu aningaasalersorneqarluni.

Suliniutip annertussusia akialu eqqarsaatigalugit innuttaasunut suliffissaqartitsiniarnikkut iluaqu-taanissaalu pissusissamisoortumik naatsorsuutigineqarpoq.

Nunami allamiut sulisartut sanaartormerit pinngitsoornani akuutinneqarnissaat piumasagaataa-voq, tamannalu sanaartortitsisup ernumassutigisariaqanngilaa. Taamaattoq sulisartut nunatsin-neersut sutigut tamatigut atornerqarluarneqarnissaat naatsorsuutigisariaqarpoq. Tulliattut sulisut akissarsiaat sulinermilu atugaat naapertuuttariaqarput nunatsinni sulisartunut iluaqutaasusan-gorlugit.

Nunatta Qitornai

Inatsisartuni



2018-imi suliariumannittussarsiuussinermi atortuni takuneqarsinnaavoq akissarsiat sulinermilu atugassarititaasut SIK-p Nunatsinnilu Sulisitsisut akornanni isumaqatigiissutit minnerpaamik naaportorlugit atuutissasut.

Apeqqutit saqqummiunneqarput siusinnerusukkut sulisuusimasut immikkoortinneqarneragaamata, taakkulu pissutsit tikkuartorneqartut toqqammavigalugit soraarsineeqarsimallutik.

Ullut suliffiusut qulit iluanni akineqarnissara inussiarnersumik piumasaaqatigaara.

Inussiarnersumik inuulluaqqusillunga

Aleqa Hammond
Inatsisartunut ilaasortaq